



Samþykkt fyrir ungmennaráð Flóahrepps

1. gr.

Ráðið skal skipað þremur aðalmönnum og jafnmörgum til vara. Öll ungmenni með lögheimili í Flóahreppi á aldrinum 16 – 25 ára eru kjörgeng í ungmennaráð.

2. gr.

Sveitarstjórn Flóahrepps skipar í ungmennaráð Flóahrepps að tillögu ungmennaráðs. Ungmennaráð tilnefnir á tveggja ára fresti þrjá fulltrúa í ungmennaráð og þrjá til vara. Æskulýðs- og tólmstundanefnd gerir tillögu til sveitarstjórnar um formann ráðsins. Tilnefningin skal hafa átt sér stað fyrir 15. september hverju sinni. Við valið skal hafa að leiðarljósi að þessir fulltrúar endurspegli sem breiðastan hóp þessa aldurshóps í Flóahreppi og að fulltrúar séu af báðum kynjum. Starfstími ungmennaráðs skal vera frá 15. ágúst til 10. júní ár hvert.

3. gr.

Ungmennaráð er ráðgefandi um málefni samfélagsins og þó sérstaklega málefni sem tengjast ungu fólki á aldrinum 16 til 25 ára. Ungmennaráð gerir tillögur og sendir erindi til viðkomandi nefnda eða beint til sveitarstjórnar um þau mál sem ráðið telur að tengjast hagsmunum og aðstæðum ungs fólks. Ungmennaráð tekur til umfjöllunar þau mál sem nefndir sveitarfélagsins eða sveitarstjórn fela ráðinu að fjalla um.

4. gr.

Ungmennaráð fylgist með því að stofnanir og svið sveitarfélagsins leitist við að hafa hagsmuni ungra íbúa að leiðarljósi. Ráðið skal leitast við að efla umfjöllun um málefni sem tengjast ungu fólki.

5. gr.

Helstu markmið og hlutverk ungmennaráðs eru eftirfarandi:

1. Að koma skoðunum og tillögum ungs fólks á framfæri til viðeigandi aðila í stjórnkerfi sveitarfélagsins.
2. Að gæta hagsmuna ungs fólks t.d. með umfjöllun og umsögnum um einstök mál sem snerta aldurshópin sérstaklega.
3. Að fulltrúar ráðsins þjálfist í lýðræðislegum vinnubrögðum og læri á stjórnkerfi sveitarfélagsins, og skapa þeim vettvang til að koma sínum hugmyndum, skoðunum og áherslum á framfæri.
4. Að gera tillögur til sveitarstjórnar varðandi stefnumörkun um málefni ungs fólks.
5. Að vera sveitarstjórn til ráðgjafar í forvarnarmálum barna og ungmenna.
6. Að auka fjölbreytni lista- og menningarstarfs í sveitarfélaginu ásamt öðru því sem að ungu fólki lýtur.

6. gr.

Sveitarstjórn Flóahrepps samþykkir við gerð fjárhagsáætlunar ár hvert fjárframlag til ungmennaráðsins, sem ráðið getur varið til þinghalds, útgáfu, fræðslu eða annars sem þykir henta.

7. gr.



Ungmennaráð heldur að lágmarki 5 fundi árlega. Sveitarstjórn Flóahrepps og ungmennaráð halda tvo sameiginlega fundi á starfstíma hvers ungmennaráðs, samtals 4 á kjörtímabili sveitarstjórnar. Dagskrá fundarins skal undirbúin í samráði við sveitarstjóra.

8. gr.

Formaður ungmennaráðs Flóahrepps er tengiliður ráðsins við sveitarstjóra, sveitarstjórn og æskulýðs- og tómstundanefnd. Æskulýðs og tómstundanefnd er ráðinu til ráðgjafar og aðstoðar ef þurfa þykir. Formaður æskulýðs- og tómstundanefndar og sveitarstjóri mega sitja fundi ráðsins með málfrelsi og tillögurétt en hafa ekki atkvæðisrétt. Formaður ungmennaráðs boðar til fyrsta fundar ráðsins á nýju kjörtímabili. Ungmennaráð skal hafa eins og kostur er frumkvæði að umfjöllun mála.

9. gr.

Um fundarsköp á fundum ungmennaráðs gilda ákvæði sveitarstjórnarlaga og samþykkt um stjórn sveitarfélagsins Flóahrepps. Ungmennaráð skilar undirrituðum fundargerðum á skrifstofu Flóahrepps að loknum hverjum fundi.

10. gr.

Samþykktir sveitarstjórnar um laun fyrir setu í nefndum sveitarfélagsins gilda um ungmennaráð eins og aðrar nefndir sveitarfélagsins.

11. gr.

Samþykkt þessi tekur gildi með staðfestingu sveitarstjórnar.

Samþykkt í sveitarstjórn Flóahrepps 05.12.2018

Eydis P. Indriðadóttir sveitarstjóri